

TRIBUNAL DIOECESANUM SUCCURSEN. ET SANCTI AEGIDII *

NULLITAS MATRIMONII EX AMENTIA (PSYCHOSIS MANIACO-DEPRESSIVA)

I.—SPECIES FACTI

Invisente Maria, 28 annorum, suum amicum Iosephum qui 24 annum iam adimpleverat eo fine ut sibi auxilium praestaret ne Mariae frater in carcerem detruderetur Iosephus puellae matrimonium proposuit tamquam conditionem ad imploratum auxilium praestandum. Hoc modo praedicti iuvenes die 5 iunii 1957 ad nuptias convolarunt, quin antea amasii fuissent nec de matrimonio inter se contrahendo unquam antea cogitaverint.

Iosephus cum sua uxore haud sero in urbem Bogotensem migravit, et cum in domum rediret Mariam dure percussit. In carcere primo detrussus est, at postea in amentium nosocomio detineri debuit.

Post mensem a matrimonio contracto, nempe die 10 iulii 1957 matrimonii nullitas a conventi patre fuit denunciata. Deinde vero, die 13 eiusdem mensis Maria matrimonii nullitatem accusavit ex capite defectus consensus ob amentiam. Causa lentissime processit praesertim ob negligentiam tum actricis tum curatoris conventi, usque dum hic a morbo recuperatus instavit pro celere solutione ipsius.

Nunc causa a nostro Tribunali solvenda sub hac dubii formula proponitur:

“UTRUM CONSTET DE NULLITATE MATRIMONII IN CASU OB CAPUT DEFECTUS CONSENSUS EX AMENTIA”.

II.—IN IURE

Quamvis Codex Iuris Canonici (eodem modo ac multi Codices Civiles) insaniam neque inter matrimonialia impedimenta neque matrimonialis consensus vitia directe comprehendat, indirecte tamen sufficienter innuit amentiam a valido matrimonio ineundo arcere. Nam ad normam canonis 88/3, qui rationis usu habitu sunt destituti infanti assimilantur. Et canon 1982 loquitur de causis defectus consensus ob amentiam.

Canonica doctrina et ecclesiastica iurisprudentia hucusque, inde ab ipsis Decretalibus, amentiae vim ad matrimonium invalidandum in consensus defectu collocavit. Innocentius III in celebri Decretali “Dilectus”, Opizum a

* Socorro y San Gil (Colombia). Sentencia ofrecida por el Ilmo. Sr. D. José Miguel Pinto Gómez, Provisor de dicha diócesis.